

SAMOA

Faatulagaina o Aiaiga

- | | |
|---------------------------------|-------------------------------------|
| 1. Igoa puupuu ma le
amataga | 3. Tofiga o le Komesina |
| 2. Faaaogaina o le Tulafono | 4. Tausaga o le Faamalolo
Litaea |

1998, Nu. 22**O SE TULAFONO e teuteu ai le Tulafono o Galuega a
Leoleo 1977. (26 Iuni 1998)**

UA FAIA e le Fono Aoao Faitulafono o Samoa i totonu o le
Palemene ua potopoto e faapea:-

1. Igoa puupuu ma le amataga-(1) E mafai ona taua
lenei Tulafono o le Teuteuga o le Tulafono o Galuega a Leoleo
1998 ma e tatau ona avea o se vaega o le Tulafono o Galuega a
Leoleo 1977, e pei ona faasinomia mulimuli ane iinei o le
Tulafono autu.

(2) O lenei Tulafono o le a amata faamamaluina i le tuuina
i ai o le faamaoniga a le Ao o le Malo.

2. Faaaogaina o lenei Tulafono - O lenei Tulafono o le a
faaoga e ese mai ai i le aso o le uluai tofiga o le Komesina o lo
o umia lena tofi i le taimi o le a amata faamamaluina ai
lenei

Tulafono, ma e mafai ona i ai ni malosiaga e faamamaluina ai agai i tua i taimi ua mavae.

3. Tofiga o le Komesina - Fuaiupu 5 o le Tulafono autu ua teuteuina i le soloia o le faafuaiupu (2) ma suia e faapea:

“(2) I le noatia ma le fai fuafua i le fuaiupu 22(2), o le Komesina o le a toe tofia mo se vaitaimi e tolu tausaga ma o le a agavaa mo le toe tofia.”

4. Tausaga o le Faamalolo Litaea - Fuaiupu 22 o le Tulafono autu ua teuteuina i le soloia o le faafuaiupu (2) ma suia e faapea:

“(2) O lenei fuaiupu o le a le tatau ona faaaoga i le tofi o le Komesina:

Ae vagana ai e faapea ua aulia e le Komesina le 60 tausaga o lona soifuaga, o le vaitaimi o lona tofiga e tusa ai ma le fuaiupu 5(2) e mafai ona mo se vaitaimi, e le sili atu na i lo le 5 tausaga, e pei ona fuafuaina e le Ao o le Malo.”
